



ანარჩონი სუბარტმონონი

უბრტველოს მთავრობის 2019 წლის 29 მარტის N163 დადგენილებით დამტკიცებული სუხელმწიფო პროგრამის „საკრედიტო სუგარანტიო სქემის“ ფარგლებში კომერციული ბანკის მიერ გაცემული/რესტრუქტურირებული სესხების დეფოლტის საფუძველზე, წარმოქმნილი ფინანსური რისკის გადანაწილების თაობაზე

დანართი №.

1. ტერმინთა განმარტება

დანართში გამოყენებულ ყველა ტერმინს ენიჭება დადგენილებითა და სააგენტოსა და ბანკს შორის გაფორმებული ხელშეკრულებით განსაზღვრული მნიშვნელობა.

2. დანართის მიზანი

წინამდებარე დანართის მიზანია პროგრამის ბენეფიციარის მიერ სააგენტოს წინაშე ნაკისრი ვალდებულების თავმოყრა/დემონსტრირება. აღნიშნულ დანართზე ხელმოწერით ბენეფიციარი ადასტურებს და აცნობიერებს, მიუხედავად იმისა, რომ ამ დანართზე ხელმოწერი პირი არ გახლავთ სააგენტო, დანართში მოცემული ვალდებულებების დარღვევისათვის ბენეფიციარი პასუხისმგებელია სააგენტოს წინაშე.

3. მხარეთა შეთანხმებული პირობები

3.1. ბენეფიციარი აღიარებს და ადასტურებს, რომ იგი სრულად გაეცნო დადგენილებას, პროგრამას და მათგან გამომდინარე ვალდებულებებს (მათ შორის, პროგრამით სარგებლობის შეწყვეტის საფუძველებს) ასევე, სამომავლოდ სრულად გაეცნობა მათში შეტანილ ნებისმიერ ცვლილებას/დამატებას (ასეთის არსებობის შემთხვევაში).

3.2. ბენეფიციარი ვალდებულია წარმოების/მომსახურების მიწოდება დაიწყოს: ახალი საწარმოს გახსნის შემთხვევაში – სესხის პირველი ტრანშის გაცემიდან არა უგვიანეს 24 თვის განმავლობაში, ხოლო არსებული საწარმოს შემთხვევაში – სესხის პირველი ტრანშის გაცემიდან არა უგვიანეს 12 თვის განმავლობაში. გარდა დადგენილების მე-5 მუხლის „ა“ ქვეპუნქტში დასახელებულ საქმიანობის სახეებში. აღნიშნულ შემთხვევაში ბენეფიციარი ვალდებულია წარმოება დაიწყოს პროგრამაში ჩართვის მომენტიდან არაუგვიანეს 60 თვის განმავლობაში.



ანარჩონი სპარტოვლოში

3.3 ბენეფიციარი უზრუნველყოფს წარმოების/მომსახურების მიწოდების დაწყებიდან 2 (ორი) წლის განმავლობაში საქმიანობის პროფილის შენარჩუნებას, თუმცა არანაკლებ პროგრამის ფარგლებში გაცემული საკრედიტო გარანტიის ვადისა. ამასთან წინამდებარე ქვეპუნქტის დარღვევად არ მიიჩნევა საქმიანობის პროფილის ისეთი ცვლილება, რომელიც თავსდება დადგენილების დანართი N1-ით განსაზღვრულ ეკონომიკური საქმიანობის სახეების ჩამონათვალში. ამ ვალდებულების დარღვევის შემთხვევაში ბანკი ბენეფიციარს არიცხავს პირგასამტეხლოს საკრედიტო გარანტიის 10 (ათი)%-ის ოდენობით, ხოლო ბენეფიციარი ვალდებულია, ბანკის მიერ დადგენილ ვადაში გადაიხადოს აღნიშნული პირგასამტეხლო (რომელიც ბანკის მიერ სრულად გადაირიცხება ხაზინის ანგარიშზე).

3.4 ბენეფიციარი ვალდებულია მოახდინოს სესხის სრული ოდენობით ათვისება/ალება სააგენტოს მიერ შესაბამისი დადასტურებიდან 2 წლის მანძილზე (გარდა დადგენილების დანართი N1-ით განსაზღვრული კოდებისა: 01.21.0, 01.22.0, 01.23.0, 01.24.0, 01.25.0, 01.26.0, 01.27.0, 01.28.0, 01.29.0, 01.49.9 - ამ შემთხვევაში სესხის სრული ათვისების ვადად განისაზღვრება სააგენტოს მიერ სესხის დადასტურებიდან არაუგვიანეს 3 წელი). ამასთან, აღნიშნული ვადის გასვლის შემდეგ ამ სესხზე ტრანშის გაცემა არ დაიშვება.

3.5 ბენეფიციარი ვალდებულია მოახდინოს მის მიერ მიზნობრივი საქმიანობის განხორციელებისათვის საჭირო სამეურნეო/ადმინისტრაციული შენობა-ნაგებობის ადაპტირება შეზღუდული შესაძლებლობის მქონე პირთა მოთხოვნების შესაბამისად. ადაპტირების ვალდებულების დარღვევის თითოეულ შემთხვევაზე მას სააგენტოს სასარგებლოდ დაეკისრება ჯარიმა 200 ლარის ოდენობით, რომელიც ჩარიცხულ უნდა იქნას სახელმწიფო ხაზინაში არაუგვიანეს 30 დღის ვადაში და ბენეფიციარს მიეცემა 6 თვიანი ვადა ადაპტირებისათვის.

3.6 ბენეფიციარი ვალდებულია, ბენეფიციარის სტატუსით სარგებლობის მთელი პერიოდის განმავლობაში, სააგენტოს მოთხოვნის შემთხვევაში, მოთხოვნიდან არაუგვიანეს 10 სამუშაო დღის ვადაში მიაწოდოს სააგენტოს ფინანსური და სხვა სახის მოთხოვნილი ინფორმაცია სააგენტოს მიერ შემუშავებული ფორმის შესაბამისად. ამასთან, ბენეფიციარის მხრიდან ამ ვალდებულების დარღვევის თითოეულ შემთხვევაზე, მას სააგენტოს სასარგებლოდ დაეკისრება ჯარიმა 500 ლარის ოდენობით, რომელიც გადახდილ უნდა იქნას სახელმწიფო ხაზინაში დაჯარიმებიდან არაუგვიანეს 30 დღის ვადაში.

3.7 ბენეფიციარი ვალდებულია სააგენტოს მიერ პროგრამის ფარგლებში კრედიტის დადასტურებიდან არაუგვიანეს 6 (ექვსი) თვისა ათვისოს კრედიტი/კრედიტის ტრანში,



ანარმომე საქართველოში

არანაკლებ დადგენილებით გათვალისწინებული მინიმალური ოდენობით. ამ ვადის დარღვევით კრედიტის/კრედიტის ტრანშის გაცემის შემთხვევაში, სააგენტო არ განახორციელებს ამ სესხზე საკრედიტო გარანტიის გაცემას და ბენეფიციარი დაკარგავს პროგრამის ბენეფიციარის სტატუსს. თუმცა, ბენეფიციარი უფლებამოსილი იქნება პროგრამით სარგებლობის თაობაზე ხელახლა მიმართოს ბანკს დადგენილებით გათვალისწინებული წესების დაცვით.

4. სხვა პირობები

4.1. სააგენტო უფლებამოსილია ბენეფიციარის სტატუსით სარგებლობის მთელი პერიოდის განმავლობაში, ბანკთან, ბენეფიციართან ან/და დაკავშირებულ ხელშეკრულებაში მითითებულ პირ(ებ)თან წინასწარი შეთანხმების გარეშე, სააგენტოს მიერ დადგენილი სიხშირით და პერიოდულობით, განახორციელოს კრედიტის მიზნობრიობის მონიტორინგი, მათ შორის შესაბამისი წარმომადგენლ(ებ)ის ადგილზე ვიზიტის გზით.

4.2. ბენეფიციარი ვალდებულია შეასრულოს შემდეგი სახის მარკეტინგული ვალდებულებები:

4.2.1. საქმიანობის განხორციელების ადგილას განთავსდეს აბრა წარწერით: „პროექტი განხორციელდა სააგენტოს „აწარმოე საქართველოში“ მხარდაჭერით“.

4.2.2. საქმიანობის განხორციელებასთან დაკავშირებით, სატელევიზიო გამოსვლისას, ბენეფიციარი ვალდებულია მოიხსენიოს სააგენტო მხარდაჭერის თაობაზე.

4.2.3. ბენეფიციარის პროექტის გახსნა დაიგეგმოს სააგენტოსთან ერთად (აღნიშნული არ ვალდებულებს სააგენტოს ბენეფიციარის მიერ გახსნის ორგანიზებაში მონაწილეობას).

4.2.4. ბენეფიციარის მიერ პროდუქციის ექსპორტის განხორციელების შემთხვევაში, შეატყობინოს სააგენტოს აღნიშნულის თაობაზე.

4.2.5. ბენეფიციარის მიერ წარმოებულ პროდუქტზე ასახულ ლოგოსთან (ასეთის არსებობის შემთხვევაში) ერთად განთავსებულ იქნას სააგენტოს ლოგოც (მითითებული სახით):



ანარმომე საქართველოში

ინგლისური ლოგოს შემთხვევაში გამოყენებულ იქნას სააგენტოს ინგლისური ლოგოს ნიმუში (მითითებული სახით):



ანარსომა სარართმვალოში



ENTERPRISE GEORGIA

4.3. აღნიშნული დანართის 4.2 პუნქტის (მარკეტინგული ვალდებულების (ერთ-ერთის მინც) დარღვევის შემთხვევაში, ბენეფიცია პირველ კერზე ეძლევა გაფრთხილება, ხოლო ხარვეზის მეორედ აღმოჩენის შემთხვევაში ეკისრება ჯარიმა 1000 (ათასი) ლარის ოდენობით.

4.4.სააგენტოში დაცული ინფორმაცია, სახელწიფო პროგრამის ფარგლებში სააგენტოს მიერ პროგრამის ბენეფიციარის მიმართ განცორციელებული საკრედიტო-საგარანტიო მოცულობა (მათ შორის და არა მხოლოდ, ბენეფიციარის საინდენტიფიკაციო და საკონტაქტო მონაცემები) საჯაროა.

4.5. ბენეფიციარი აცხადებს თანხმობას, რომ ბანკი უფლებამოსილია პროგრამის ფარგლებში გაცემული/რესტრუქტურირებული/ რეფინანსირებული კრედიტ(ებ)ის შესახებ ბანკის ხელთ არსებული ნებისმიერი/ყველა ინფორმაცია/დოკუმენტაცია ან/და ბენეფიციარის შესახებ ბანკში არსებული ნებისმიერი ინფორმაცია/დოკუმენტაცია ნებისმიერ დროს სრულად მიაწოდოს სააგენტოს.

4.6. საკრედიტო საგარანტიო სქემის სარგებლობა წყდება დადგენილებით გათვალისწინებულ შემთხვევებში.

მხარეთა ხელმოწერები

ბანკი

ბენეფიციარი

.....

.....